

SALUTS PENDANT L'OCTAVE

Hæc illa mortalis Trias
Adumbrat æternam, piis
Et æmulans honoribus,
Sancta refert concordia.

Edicta regis exeunt :
Tunc, summe regnantum puer,
Migras parentum nomine,
Censendus instar subditi.

Sub noctis inclementia,
Rigente, natum, frigore,
Stringit puella fasciis ;
Joseph adorat principem.

Præsepe, quem tu contines !
Lux fulget, ales, gaudia,
Labens olympo nuntiat ;
Et pastor, et currit magus.

Illic parentes excubant :
Quid non, tacendo, fervidis
Intus sonant affectibus !
Quali ministrant ordine !

Legale dum cultrum ferens,
Ultro profundis sanguinem,
Jesum vocant ; mox victimam
In templa rite deferunt.

Ægypte, servas hospites,
Reddisque dum cœlum monet :
Quos, Christe, præsens roboras,
Non sors acerba concutit.